



Broj: 02-50-1-16-3/07

Sarajevo: 30.3.2007. godina

ZAPISNIK

3. sjednice Doma naroda

Parlamentarne skupštine Bosne i Hercegovine, održane 30. marta 2007.godine

Sjednica je počela u 9,50 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 15 delegata.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Na sjednici je usvojen sljedeći izmijenjeni i dopunjeni

DNEVNI RED

1. Delegatska pitanja i odgovori;
2. Usvajanje zapisnika Konstituirajuće i 2. sjednice Doma naroda;
3. Zahtjev Predstavničkog doma za razmatranje Zakona o usvajanju Zakona o dodatnim izmjenama i dopunama Zakona o Centralnoj banci BiH, po hitnom postupku, u skladu s članom 122. Poslovnika Doma naroda (donesen 7.3.2003., „Sl. glasnik BiH“, br.8/03);
4. Zahtjev Predstavničkog doma za razmatranje Zakona o usvajanju Zakona o izmjenama i dopunama Izbornog zakona BiH, po hitnom postupku, u skladu s članom 122. Poslovnika Doma naroda (donesen 27.1.2006., „Sl.glasnik BiH“, br.11/06);
5. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o Sudu BiH, po hitnom postupku, u skladu s članom 122. Poslovnika Doma naroda (donesen 6.2.2004., „Sl.glasnik BiH“, br.4/04);
6. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o Visokom sudskom i tužilačkom vijeću BiH, po hitnom postupku, u skladu s članom 122. Poslovnika Doma naroda (donesen 31.3.2004., „Sl.glasnik BiH“, br.10/04);
7. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o državnoj službi u institucijama BiH, po hitnom postupku, u skladu s članom 122. Poslovnika Doma naroda (donesen 20.4.2004., „Sl.glasnik BiH“, br.17/04);
8. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o Obavještajno-sigurnosnoj agenciji BiH, po hitnom postupku, u skladu s članom 122. Poslovnika Doma naroda (donesen 1.5.2004., „Sl.glasnik BiH“, br.20/04);

9. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o sistemu indirektnog oporezivanja u Bosni i Hercegovini, po hitnom postupku, u skladu s članom 122. Poslovnika Doma naroda (donesen 20.10.2004., „Sl.glasnik BiH“, br.52/04);
10. Zahtjev Predstavničkog doma za razmatranje Zakona o usvajanju Zakona o stavljanju van snage Zakona Bosne i Hercegovine o pomilovanju, po hitnom postupku, u skladu s članom 122. Poslovnika Doma naroda (donesen 26.11.2004., „Sl.glasnik BiH“, br.54/04);
11. Zahtjev Predstavničkog doma za razmatranje Zakona o usvajanju Zakona o izmjenama i dopunama Krivičnog zakona BiH, po hitnom postupku, u skladu s članom 122. Poslovnika Doma naroda (donesen 26.11.2004., „Sl.glasnik BiH“, br.54/04);
12. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o krivičnom postupku BiH, po hitnom postupku, u skladu s članom 122. Poslovnika Doma naroda (donesen 16.12.2004., „Sl.glasnik BiH“, br.63/04);
13. Zahtjev Predstavničkog doma za razmatranje Zakona o usvajanju Zakona o privremenoj zabrani raspolaganja državnom imovinom Bosne i Hercegovine, po hitnom postupku, u skladu s članom 122. Poslovnika Doma naroda (donesen 29.9.2006., „Sl.glasnik BiH“, br.85/06);
14. Zahtjev Predstavničkog doma za razmatranje Zakona o usvajanju Zakona o davanju imena ili mijenjanju postojećih imena objekata i pravnih lica od javnog interesa za Bosnu i Hercegovinu, po hitnom postupku, u skladu s članom 122. Poslovnika Doma naroda (donesen 28.10.2005., „Sl.glasnik BiH“, br.81/05);
15. Zahtjev Predstavničkog doma za razmatranje Zakona o usvajanju Zakona o plaćama i drugim naknadama u sudskim i pravosudnim institucijama na nivou Bosne i Hercegovine, po hitnom postupku, u skladu s članom 122. Poslovnika Doma naroda (donesen 9.12.2005., „Sl.glasnik BiH“, br.90/05);
16. Zahtjev Predstavničkog doma za razmatranje Zakona o usvajanju Zakona o izmjenama i dopunama Izbornog zakona BiH, po hitnom postupku, u skladu s članom 122. Poslovnika Doma naroda (donesen 28.1.2004., „Sl.glasnik BiH“, br.4/04);
17. Zahtjev Predstavničkog doma za razmatranje Zakona o usvajanju Zakona o izmjenama i dopunama Zakona o privremenoj zabrani raspolaganja državnom imovinom Bosne i Hercegovine, po hitnom postupku, u skladu s članom 122. Poslovnika Doma naroda (donesen 18.3.2006., „Sl.glasnik BiH“, br.29/06);
18. Zahtjev Predstavničkog doma za razmatranje Zakona o usvajanju Zakona o privremenoj zabrani raspolaganja državnom imovinom Bosne i Hercegovine, po hitnom postupku, u skladu s članom 122. Poslovnika Doma naroda (donesen 18.3.2005., „Sl.glasnik BiH“, br.18/05);
19. Zahtjev Predstavničkog doma za usvajanje Odluke o produženju mandata Državne komisije za reviziju odluka o naturalizaciji stranih državljana (odluka Visokog predstavnika od 15.2.2007. – „Sl.glasnik BiH“, br.10/07);
20. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH, po hitnom postupku, u skladu s članom 100. Poslovnika Doma naroda (Zakon od 8.9.2006.);
21. Zahtjev Vijeća ministara BiH za razmatranje Prijedloga zakona o izmjeni Zakona o službi u Oružanim snagama BiH, po hitnom postupku, u skladu s članom 99. Poslovnika Doma naroda;
22. Zahtjev Vijeća ministara BiH za razmatranje Prijedloga okvirnog zakona o predškolskom odgoju i obrazovanju u Bosni i Hercegovini po hitnom postupku, u skladu s članom 99. Poslovnika Doma naroda;
23. Zahtjev Vijeća ministara BiH za razmatranje Prijedloga zakona o Agenciji za predškolsko, osnovno i srednje obrazovanje po hitnom postupku, u skladu s članom 99. Poslovnika Doma naroda;
24. Prijedlog zakona o prekršajima- predlažać: Vijeće ministara BiH (prvo čitanje);

25. Prijedlog zakona o izmjenama Zakona o Državnoj graničnoj službi - drugo čitanje;
26. Davanje saglasnosti za ratifikaciju Sporazuma između Ministarstva sigurnosti BiH i Saveznog ministarstva unutrašnjih poslova Republike Austrije o policijskoj saradnji;
27. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Libana;
28. Davanje saglasnosti za ratifikaciju Sporazuma između Vijeća ministara BiH i Austrijske savezne vlade o readmisiji lica koja imaju ilegalan boravak;
29. Davanje saglasnosti za ratifikaciju Sporazuma o razvojnom kreditu (Projekat restrukturiranja obrazovanja) između Bosne i Hercegovine i Međunarodne asocijacije za razvoj (IDA);
30. Davanje saglasnosti za ratifikaciju Sporazuma između Vijeća ministara BiH i Vlade Republike Slovačke o readmisiji lica;
31. Davanje saglasnosti za ratifikaciju Sporazuma između Vijeća ministara BiH i Vlade Republike Slovačke o saradnji u borbi protiv kriminala, a posebno terorizma, nedozvoljene trgovine narkoticima i organiziranog kriminala;
32. Davanje saglasnosti za ratifikaciju Sporazuma o finansiranju (Projekat registracije zemljišta) između Bosne i Hercegovine i Međunarodne asocijacije za razvoj (IDA);
33. Davanje saglasnosti za ratifikaciju Trgovinskog sporazuma između Bosne i Hercegovine i Hašemitske Kraljevine Jordan;
34. Davanje saglasnosti za ratifikaciju Sporazuma između Bosne i Hercegovine i Hašemitske Kraljevine Jordan o recipročnom unapređenju i zaštiti investicija;
35. Davanje saglasnosti za ratifikaciju Sporazuma između Vijeća ministara BiH i Vlade Kraljevine Švedske o pojednostavljenoj proceduri za readmisiju lica koja nemaju dozvolu za ulazak ili boravak;
36. Davanje saglasnosti za ratifikaciju Evropske socijalne povelje – revidirana u Strasbourgu 3.5.1996.;
37. Davanje saglasnosti za ratifikaciju Sporazuma o finansiranju ECSEE (Projekat «Komponenta za Bosnu i Hercegovinu») između Bosne i Hercegovine i Međunarodne asocijacije za razvoj (IDA);
38. Davanje saglasnosti za ratifikaciju Konvencije o policijskoj saradnji za Jugoistočnu Evropu;
39. Davanje saglasnosti za ratifikaciju Sporazuma između Bosne i Hercegovine i Republike Indije o unapređenju i zaštiti investicija;
40. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Socijalističke Narodne Libijske Arapske Džamahirije;
41. Davanje saglasnosti za ratifikaciju Sporazuma između Bosne i Hercegovine i zemalja Beneluxa (Kraljevina Belgija, Kraljevina Holandija i Veliko Vojvodstvo Luksemburg) o readmisiji i ponovnom vraćanju lica koja su ušla i/ili borave bez ovlaštenja i Protokola o provođenju Sporazuma između Bosne i Hercegovine i zemalja Beneluxa (Kraljevina Belgija, Kraljevina Holandija i Veliko Vojvodstvo Luksemburg) o readmisiji i ponovnom vraćanju lica koja su ušla i/ili borave bez ovlaštenja;
42. Davanje saglasnosti za ratifikaciju multilateralnog sporazuma između Evropske unije i njenih zemalja članica, Republike Albanije, Bosne i Hercegovine, Republike Bugarske, Republike Hrvatske, Bivše Jugoslavenske Republike Makedonije, Republike Island, Republike Crne Gore, Kraljevine Norveške, Rumunije, Srbije i Privremene administrativne misije Ujedinjenih naroda na Kosovu o uspostavljanju Evropske zajedničke zrakoplovne oblasti (ECAA);
43. Davanje saglasnosti za ratifikaciju Sporazuma između Visokog predstavnika za BiH i Bosne i Hercegovine o Uredu registrara za Odsjek I. za ratne zločine i Odsjek II. za organizirani kriminal, privredni kriminal i korupciju Krivičnog i Apelacionog odjela Suda BiH, kao i Posebnog odjela za ratne zločine te Posebnog odjela za organizirani kriminal, privredni kriminal i korupciju Tužilaštva BiH i o osnivanju Tranzicijskog vijeća kojim se zamjenjuje Sporazum o uspostavi Ureda registrara od 1.12.2004. i Aneks tog sporazuma;

44. Davanje saglasnosti za ratifikaciju Sporazuma o izmjenama i dopunama Ugovora o finansiranju između Bosne i Hercegovine i Evropske investicione banke - Projekat za puteve u Bosni i Hercegovini (Sarajevska zaobilaznica);
45. Davanje saglasnosti za ratifikaciju Sporazuma između Vijeća ministara BiH i Vlade Republike Slovenije o prihvatu lica čiji je boravak nezakonit i Protokola između Vijeća ministara BiH i Vlade Republike Slovenije o provođenju Sporazuma između Vijeća ministara BiH i Vlade Republike Slovenije o prihvatu lica čiji je boravak nezakonit;
46. Davanje saglasnosti za ratifikaciju Ugovora o finansiranju između Bosne i Hercegovine i Evropske investicione banke – Projekat rekonstrukcije puteva u Republici Srpskoj;
47. Davanje saglasnosti za ratifikaciju Okvirnog ugovora o kreditu: F/P 1523 između Bosne i Hercegovine i Razvojne banke Vijeća Evrope – Projekat obnove Gimnazije Mostar;
48. Davanje saglasnosti za ratifikaciju Okvirnog kreditnog Sporazuma F/P 1520 između Bosne i Hercegovine i razvojne banke Vijeća Evrope- finansiranje rekonstrukcije sistema primarne zdravstvene zaštite
49. Davanje saglasnosti za ratifikaciju Konvencije o zaštiti ljudskih prava i dostojanstva ljudskih bića po pitanju primjene biologije i medicine – Konvencija o ljudskim pravima i biomedicini i Dodatni protokol;
50. Davanje saglasnosti za ratifikaciju Projektnog kreditnog sporazuma – Projekat unapređenja ruralnog poduzetništva između Bosne i Hercegovine i Međunarodnog fonda za poljoprivredni razvoj (IFAD);
51. Davanje saglasnosti za ratifikaciju Sporazuma između Vijeća ministara BiH i Vlade Republike Bjelorusije o unošenju izmjene u Sporazum između Vijeća ministara BiH i Vlade Republike Bjelorusije o drumskom prevozu putnika i tereta;
52. Izbor delegata u delegacije Parlamentarne skupštine BiH u:
 - a) Organizaciju za evropsku sigurnost i saradnju – OSCE
 - b) Centralnoevropsku inicijativu – CEI
 - c) Interparlamentarnu grupu BiH pri Interparlamentarnoj uniji - IPU
 - d) Parlamentarnu skupštinu Vijeća Evrope - VE
 - e) Parlamentarnu skupštinu Sjevernoatlantskog saveza - NATO-a
53. Izvještaj o učešću Oružanih snaga BiH, policijskih i državnih službenika Bosne i Hercegovine u operacijama podrške mira za period od 1.3. do 31.8. 2006.;
54. Odluka o produženju mandata jedinice Oružanih snaga BiH za uništavanje neeksplozivnih ubojnih sredstava (NUS) u operaciji podrške miru ‘‘Iračka sloboda’’ u Iraku;
55. Imenovanje sekretara Zajedničke službe Parlamentarne skupštine BiH.

Prije prelaska na dnevni red, delegat Dušanka Majkić iznijela je svoju zamjerku zbog kašnjenja sjednice.

Ad-1. Delegatska pitanja i odgovori

Delegat Dušanka Majkić postavila je pitanje Vijeću ministara BiH:

Zakon o javnim nabavkama BiH (‘‘Sl.glasnik BiH’’, br.49/04, 19/05, 52/05, 8/06 i 24/06) stupio je na snagu 10.11.2004., nakon čega su prestali važiti propisi na nivou BiH i entiteta koji su bili na snazi do usvajanja pomenutog zakona.

Agencija za javne nabavke a ni Ured za žalbe ni do danas nisu profunkcionirali u punom kapacitetu.

Molim Vijeće ministara BiH da mi odgovori šta će preduzeti na jačanju ovih institucija u smislu donošenja potrebnih propisa za implementaciju Zakona.

Delegat Slobodan Šaraba postavio je pitanje Predsjedništvu BiH, Vijeću ministara BiH i Kolegiju oba doma Parlamentarne skupštine BiH:

“Da li i šta namjerava preduzeti Predsjedništvo BiH, Vijeće ministara i Kolegij oba doma Parlamentarne skupštine BiH, u postupku izvršenja Odluke Ustavnog suda BiH, br. 953/05, od 8. jula 2006., a koja je dostavljena navedenim institucijama BiH, da bi se osiguralo pravo na efikasan pravni lijek protiv onih odluka Visokog predstavnika, kojima se krivično kažnjavaju građani BiH, i kojima se građanima BiH oduzimaju, sunspendiraju i ograničavaju prava iz Ustava BiH?”

Obrazloženje:

Odluka Ustavnog suda BiH o apelacijama Milorada Bilbije i dr. Dragana Kalinića, broj 953/05, koja je donesena još 8. jula 2006. godine, a čije je pismeno objavljeno tek sredinom februara 2007. godine, ima veoma načelan i opći značaj, s obzirom na to da je visoki predstavnik u proteklim godinama svojim odlukama, a bez javnog sudskog postupka, izrekao krivične sankcije, tj. krivično kaznio oko 200 građana BiH, i oduzeo im, ograničio i na neodređeno vrijeme suspendirao određena građanska, politička, socijalna i ekonomska ustavna prava, i time im nanio nenadoknadivu moralnu i materijalnu štetu.

Pošto je Ustavni sud obavezao najviše ustavne organe BiH, pa tako i Parlamentarnu skupštinu BiH, da apelantima Miloradu Bilbiji i dr. Draganu Kaliniću osiguraju efikasan pravni lijek protiv odluka Visokog predstavnika, i pošto se pred Ustavnim sudom nalazi veliki broj apelacija preostalih građana, koji su krivično kažnjeni odlukama Visokog predstavnika, a kojim su trenutno potpuno pravno i građanski bespomoćni i obespravljeni, postavljam ovo pitanje navedenim institucijama da mi usmeno odgovore.

Ad-2. Usvajanje zapisnika Konstituirajuće i 2. sjednice Doma naroda

Zapisnici Konstituirajuće i 2. sjednice Doma naroda usvojeni su jednoglasno.

Ad-3. – 19. Zakoni koje je na privremenoj osnovi proglasio visoki predstavnik a Predstavnički dom ih dostavio Domu naroda kao predlagač

U raspravi o ovoj tački dnevnog reda učestvovali su Dušanka Majkić i Slobodan Šaraba.

Dom naroda je većinom glasova usvojio sve zakone i Odluku iz ovih tačaka dnevnog reda čiji je predlagač Predstavnički dom a koje je proglasio Visoki predstavnik za BiH na privremenoj osnovi.

Ad-20. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH, po hitnom postupku, u skladu s članom 100. Poslovnika Doma naroda (Zakon od 8.9.2006.)

Rasprava o ovoj tački dnevnog reda nije vođena.

Dom naroda nije usvojio zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 100. Poslovnika Doma naroda. Zakon će biti razmatran u redovnoj proceduri.

Ad-21. Zahtjev Vijeća ministara BiH za razmatranje Prijedloga zakona o izmjeni Zakona o službi u Oružanim snagama BiH, po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio zahtjev Vijeća ministara BiH za razmatranje Prijedloga zakona o izmjeni Zakona o službi u Oružanim snagama BiH po hitnom postupku, u skladu s članom 99. Poslovnika Doma naroda.

Ad-22. Zahtjev Vijeća ministara BiH za razmatranje Prijedloga okvirnog zakona o predškolskom odgoju i obrazovanju u Bosni i Hercegovini po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda nije usvojio zahtjev Vijeća ministara BiH za razmatranje Prijedloga okvirnog zakona o predškolskom odgoju i obrazovanju u Bosni i Hercegovini po hitnom postupku, u skladu s članom 99. Poslovnika Doma naroda. Zakon će biti razmatran u redovnoj proceduri.

Ad-23. Zahtjev Vijeća ministara BiH za razmatranje Prijedloga zakona o Agenciji za predškolsko, osnovno i srednje obrazovanje po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda nije usvojio zahtjev Vijeća ministara BiH za razmatranje Prijedloga zakona o Agenciji za predškolsko, osnovno i srednje obrazovanje po hitnom postupku postupku, u skladu s članom 99. Poslovnika Doma naroda. Zakon će biti razmatran u redovnoj proceduri.

Ad-24. Prijedlog zakona o prekršajima- predlagač: Vijeće ministara BiH (prvo čitanje)

U raspravi o ovoj tački učestvovao je Ivo Miro Jović.

Dom naroda jednoglasno je u oba čitanja usvojio Prijedlog zakona o prekršajima u identičnom tekstu kao i Predstavnički dom.

Ad-25. Prijedlog zakona o izmjenama Zakona o Državnoj graničnoj službi - drugo čitanje

Rasprava o ovoj tački dnevnog reda nije vođena.

Dom naroda jednoglasno je usvojio u drugom čitanju Prijedlog zakona o izmjenama Zakona o Državnoj graničnoj službi. Zakon je usvojen u predloženom tekstu.

Ad-26.-51. Davanje saglasnosti za ratifikaciju sporazuma, ugovora, konvencija i Evropske povelje

Rasprava o ovim tačkama dnevnog reda nije vođena.

Dom naroda jednoglasno je dao saglasnost za ratifikaciju svih sporazuma, ugovora, konvencija i Evropske povelje iz ovih tačaka dnevnog reda.

Ad- 52. Izbor delegata u delegacije Parlamentarne skupštine BiH u:

- a. Organizaciju za evropsku sigurnost i saradnju – OSCE
- b. Centralnoevropsku inicijativu – CEI
- c. Interparlamentarnu grupu BiH pri Interparlamentarnoj uniji - IPU
- d. Parlamentarnu skupštinu Vijeća Evrope - VE
- e. Parlamentarnu skupštinu Sjevernoatlantskog saveza - NATO-a

O ovoj tački dnevnog reda diskutirao je Božo Rajić.

Dom naroda većinom glasova izabrao je:

U Organizaciju za evropsku sigurnost i saradnju –OSCE: Branka Zrna i Dragu Ljubičića

U Srednjoevropsku inicijativu – CEI: Iliju Filipovića

U Interparlamentarnu grupu BiH pri Interparlamentarnoj uniji - IPU: Hilmu Neimarliju, Hazima Rančića, Dušanku Majkić i dr. Mladena Ivanića.

U Parlamentarnu skupštinu Vijeća Evrope – PSVE: Mladena Ivanića a za zamjenike Iliju Filipovića i Almu Čolo.

U Parlamentarnu skupštinu Sjevernoatlantskog saveza - PSNATO-a Ivu Miru Jovića.

Ad-53. Izvještaj o učešću Oružanih snaga BiH, policijskih i državnih službenika Bosne i Hercegovine u operacijama podrške mira za period od 1.3. do 31.8. 2006.

U raspravi o ovoj tački dnevnog reda učestvovao je Branko Zrno.

Dom naroda jednoglasno je usvojio Izvještaj o učešću Oružanih snaga BiH, policijskih i državnih službenika Bosne i Hercegovine u operacijama podrške miru za period od 1.3.2006. do 31.8.2006.

Ad-54. Odluka o produženju mandata jedinice Oružanih snaga BiH za uništavanje neeksplozivnih ubojnih sredstava (NUS) u operaciji podrške miru "Iračka sloboda" u Iraku

Rasprava o ovoj tački dnevnog reda nije vođena.

Dom naroda jednoglasno je usvojio Odluku o produženju mandata jedinicama Oružanih snaga BiH za uništavanje neeksplozivnih ubojnih sredstava (NUS) u operaciji podrške miru „Iračka sloboda“ u Iraku.

Ad- 55. Imenovanje sekretara Zajedničke službe Parlamentarne skupštine BiH

O ovoj tački dnevnog reda diskutirala je Dušanka Majkić.

Dom naroda jednoglasno je imenovao Aljošu Čamparu za sekretara Zajedničke službe Sekretarijata Parlamentarne skupštine BiH za mandatni period 2006. – 2010.godina.

Sjednica je završena u 11,45 sati.

Sastavni dio ovog zapisnika je neautorizirani transkript 3. sjednice Doma naroda.

**v.d. SEKRETAR
DOMA NARODA**
Aljoša Čampara, s.r.

**PREDSJEDAVAJUĆI
DOMA NARODA**
Ilija Filipović, s.r.